

za obavljanje trgovine prema odredbama ovog pravilnika u roku od šest mjeseci od dana njegovog stupanja na snagu.

Član 14.

Ovaj pravilnik stupa na snagu narednog dana od dana objave u "Službenim novinama Federacije BiH".

Број 01-02-571/18
23. априла 2018. године

Мостар

Министар
Златан Вујановић, с. р.

Na osnovu člana 12. stav 3) i člana 27. Zakona o unutrašnjoj trgovini ("Službene novine Federacije BiH", br. 40/10 i 79/17), federalni ministar trgovine donosi

PRAVILNIK O IZMJENAMA I DOPUNAMA PRAVILNIKA O USLOVIMA MINIMALNE TEHNIČKE OPREMLJENOSTI POSLOVNIH PROSTORA ZA OBAVLJANJE TRGOVINE I TRGOVINSKIH USLUGA

Član 1.

U Pravilniku o uslovima minimalno tehničke opremljenosti poslovnih prostora za obavljanje trgovine i trgovinskih usluga ("Službene novine Federacije BiH", broj 49/12) u članu 3. stav (2) riječi: "i fizička" brišu se.

Član 2.

U članu 42. stav (1) iza tačke f) dodaju se tač. g) i h) koje glase:

- "g) sokovi, voda i ostali napitci u originalnom pakovanju zapremine do 1 litar,
- h) srećke i drugi listići igara na sreću."

Član 3.

Iza člana 46. dodaje se novi član 46a koji glasi:

"Član 46a.

Uredaji i oprema iz člana 46. ovog pravilnika mogu se ugrađivati i stavljati u upotrebu nakon što, u skladu sa važećim propisima, nadležni organ ovlašten za kontrolu mjernih uređaja odobri njihovu upotrebu."

Član 4.

U članu 70. stav (2) u četvrtom redu iza riječi "evidencije" stavlja se tačka a preostali tekst se briše.

Član 5.

Član 71. mijenja se i glasi:

"Član 71.

Trgovac, pravno lice registrovano za obavljanje djelatnosti trgovine na veliko naftnim derivatima u unutrašnjem i vanjskom prometu za obavljanje registrovane djelatnosti dužan je posjedovati:

- a) dozvolu za rad (licencu) za trgovinu na veliko naftnim derivatima osim LPG-om, koju izdaje Regulatorna komisija za energiju u Federaciji Bosne i Hercegovine-FERK.
- b) rješenje o ispunjavanju uslova za uvoz i obavljanje trgovine na veliko naftnim derivatima izuzev tečnog naftnog gasa (LPG)."

Član 6.

Član 72. mijenja se i glasi:

"Član 72.

- (1) Rješenje iz člana 71. tačka b) ovog pravilnika izdaje Federalno ministarstvo trgovine, sa rokom važenja utvrđenim u dozvoli za rad iz člana 71. tačka a) ovog pravilnika.

- (2) Uz zahtjev za izdavanje rješenje iz člana 71. tačka b) ovog pravilnika trgovac na veliko i uvoznik naftnih derivata dužan je priložiti:

- a) dozvolu za rad (licencu) iz člana 71. tačka a).,
- b) izvod iz registra poslovnih subjekata,
- c) obavještenje Federalnog zavoda za statistiku o razvrstavanju pravne osobe prema klasifikaciji djelatnosti,
- d) uvjerenje UIO BiH da trgovac nema dospjelih a neizmirenih obaveza po osnovu indirektnih poreza,
- e) uvjerenje Porezne uprave Federacije BiH da trgovac nema dospjelih a neizmirenih poreznih obaveza,
- f) izjavu odgovorne osobe trgovca da uvoz i trgovinu na veliko obavlja za poznatog kupca u njegovo skladište, za vlastite maloprodajne objekte-benzinske pumpe ili za vlastite potrebe u procesu proizvodnje."

Član 7.

Iza člana 82. dodaju se novi čl. 82a., 82b. i 82c. koji glase:

"Član 82a.

- (1) Tržnica na malo (pijaca) organizuje se i uređuje kao posebna cjelina ili fizički odvojena podcjelina jedne cjeline i to kao:
 - a) zelena tržnica na malo,
 - b) robna tržnica na malo,
 - c) stočna pijaca.
- (2) Tržnica na malo iz stava 1. ovog člana može se organizovati kao tržnica na malo koja radi sve radne dane u sedmici ili kao tržnica na malo koja radi samo određenim danom u sedmici.

Član 82b.

- (1) Na zelenim tržnicama na malo, na prodajnim stolovima ili klupama i sličnim objektima obavlja se promet na malo:
 - a) poljoprivredno-prehrambenih proizvoda (svježeg i sušenog voća, povrća, šumskih plodova, jaja, meda, mliječnih proizvoda i dr.),
 - b) cvijeća, ukrasnog i ljekovitog bilja, sadnog materijala, ukrasnih jelki, omota za pakovanje namirnica.
- (2) Prodaja proizvoda iz stava (1) tačka b) ovog člana obavlja se odvojeno od poljoprivredno-prehrambenih proizvoda, na posebno uređenim prostorima zelenih tržnica na malo.

Član 82 c.

- (1) Na robnim tržnicama na malo obavlja se promet na malo industrijsko neprehrambenih proizvoda i to:
 - a) tekstilnih proizvoda,
 - b) odjeće,
 - c) obuće,
 - d) proizvoda za ličnu upotrebu i upotrebu u domaćinstvu od porculana, stakla, keramike, kože, tekstila, gume i plastike,
 - e) metalne i elektrotehničke robe za čiji promet i upotrebu nije propisano obezbjeđenje garantnog lista i tehničkog uputstva,
 - f) hemijskih proizvoda i to: sapuna, deterdženta, preparata za čišćenje i poliranje, kozmetičkih i toaletnih preparata,
 - g) sportske opreme,
 - h) knjiga i kancelarijskog pribora.
- (2) Na robnim tržnicama na malo ne mogu se prodavati proizvodi iz člana 58. ovog pravilnika.
- (3) Na robnim tržnicama na malo može se obavljati prodaja sopstvenih proizvoda obrtničkih radnji i proizvoda domaće radinosti pod uslovima propisanim ovim pravilnikom.
- (4) Proizvodi iz stava (1) ovog člana prodaju se u kioscima ili u prodajnim boksovima."

Član 8.

Član 85. briše se.

Član 9.

U članu 89. stav (1) tačka i) briše se.

Dosadašnje tač. j), k), l), m) i n) postaju tač. i), j), k), l) i m).

Član 10.

Član 98. mijenja se i glasi:

- "(1) Za prodaju rabljene robe organizuje se i uređuje tržnica na malo kao posebna cjelina ili fizički odvojena podcjelina robne tržnice na malo.
- (2) Tržnica iz stava (1) ovog člana mora imati:
- poseban prostor za prodaju rabljene robe odvojen od prostora za prodaju industrijsko-neprehrambenih proizvoda iz člana 82c. stav (1) ovog pravilnika, ukoliko se tržnica organizira kao podcjelina robne tržnice na malo,
 - osiguran dovod higijenski ispravne vode i higijenski urađen WC,
 - poseban prostor za odlaganje otpadaka,
 - istaknut izvod iz tržnog reda.
- (3) Rabljena roba može se prodavati na prodajnim stolovima, klupama i u boksovima."

Član 11.

Iza člana 98. dodaje se novi član 98 a. koji glasi:

"Član 98a.

Prodaja polovnih putničkih i teretnih motornih vozila, motocikla, traktora, drugih poljoprivrednih i radnih mašina, polovnih dijelova i pribora za vozila i dr. obavlja se na posebno organizovanoj i uređenoj vrsti robne tržnice na malo - auto pijaci."

Član 12.

U članu 110. iza stava (1) dodaje se novi stav (2) koji glasi:

- "(2) Fizičko lice koje nadležnom organu podnosi zahtjev za obavljanje trgovine na malo ličnim radom izvan prodavnice i ima sklopljen ugovor ili predugovor o zakupu prodajnog mjesta iz člana 21a. stav 1) tačka e) Zakona o unutrašnjoj trgovini, nije dužno podnijeti izjavu iz stava (3) ovog člana."
- Dosadašnji st. (2) i (3) postaju st. (3) i (4).

Član 13.

Pravna i fizička lica koja obavljaju trgovinsku djelatnost dužna su uskladiti minimalno-tehničke uslove za obavljanje trgovine prema odredbama ovog pravilnika u roku od šest mjeseci od dana njegovog stupanja na snagu.

Član 14.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 01-02-571/18

23. aprila 2018. godine

Mostar

Ministar

Zlatan Vujanović, s. r.

670

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 41. Pravilnika o unutrašnjoj organizaciji Federalnog ministarstva trgovine broj 01-02-719/12 od 16.11.2012. godine i broj 01-02-1064/13 od 26.09.2013. godine, u vezi sa članom 8. Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije BiH, broj 16/18), federalni ministar trgovine donosi

RJEŠENJE**O IMENOVANJU KOMISIJE ZA PROVOĐENJE JAVNOG OGLASA ZA PRIJEM VOLONTERA U FEDERALNO MINISTARSTVO TRGOVINE**

I.

Imenuje se Komisija za provođenje postupka Javnog oglasa za prijem lica radi stručnog osposobljavanja bez zasnivanja radnog odnosa - volontera u Federalno ministarstvo trgovine u skladu sa Odlukom broj 01-34-662/18 od 16.04.2018. godine.

II.

U Komisiju iz tačke I. ovog rješenja imenuju se:

- MERIMA MASLO, predsjednik
- AMRA VUČIJAK, član
- LIDIJA ŠIMIĆ, član.

III.

Zadatak Komisije iz tačke I. ovog rješenja je da u skladu sa zakonom i drugim propisima provede Javni poziv za prijem dva (2) volontera u Federalno ministarstvo trgovine. Komisija je dužna razmotriti sve pristigle prijave, utvrditi listu kandidata koji ispunjavaju i listu kandidata koji ne ispunjavaju uvjete javnog poziva.

Po provedenom postupku Komisija će sačiniti Izvještaj o radu koji će zajedno sa ostalim aktima dostaviti Ministru na odlučivanje.

IV.

Predsjedniku i članovima Komisije na ime rada u Komisiji pripada novčana naknada u skladu sa člankom 41. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", br. 45/10, 111/12 i 20/17) i Uredbom o načinu obrazovanja i visini naknade za rad radnih tijela osnovanih od strane Vlade Federacije BiH ("Službene novine Federacije BiH", broj 48/14 i 77/14, 97/14 i 58/15), koja će se utvrditi posebnim aktom.

V.

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-34-700/18

27. aprila/travnja 2018. godine

Mostar

Ministar

Zlatan Vujanović, s. r.

FEDERALNO MINISTARSTVO RADA I SOCIJALNE POLITIKE**671**

Temeljem članka 51. stavak (4) i članka 58. stavak (5) Zakona o udomiteljstvu u Federaciji Bosne i Hercegovine ("Službene novine Federacije BiH", broj: 19/17), federalni ministar rada i socijalne politike donosi

PRAVILNIK**O SREDIŠNJEM REGISTRU U OBLASTI UDOMITELJSTVA U FEDERACIJI BOSNE I HERCEGOVINE****I - OPĆE ODREDBE**

Članak 1.

(Predmet Pravilnika)

- (1) Ovim pravilnikom uspostavlja se Središnji registar u oblasti udomiteljstva u Federaciji Bosne i Hercegovine (u daljnjem tekstu: Središnji registar), način vođenja Središnjeg registra, knjige evidencija koje se vode kroz Središnji registar, njihov sadržaj i druga pitanja od značaja za Središnji registar.